



UNIVERSITÄTS-  
BIBLIOTHEK  
PADERBORN

**Pauli Laymanni e Societate Iesu Jus Canonicum  
Commentario Perpetuo Explicatum**

Et Uberi Non Minus Ac Varia Qvam Clara Et Solida Doctrina Illustratum

Commentarius In Librum III. Decretalium

**Laymann, Paul**

**Dilingae, 1698**

Capitulvm Vltimvm. Cum olim.

---

[urn:nbn:de:hbz:466:1-62482](https://nbn-resolving.org/urn:nbn:de:hbz:466:1-62482)

Notandum quintò. Scientia eminens in paucis etiam Ecclesiasticis personis reperitur, sed nec requiritur etiam in Episcopo, aliòve Prælato. *c. cum non pridem 10. de renunciatione.* multò minùs in alijs curatis, & beneficiarijs, Pro cuius intellectu notanda est doctrina Innocent. in *c. cum in cunctis, de electione*, quòd scientia alia eminens est, & alia mediocris, & sufficiens. Eminentem vocat, si quis difficiles quæstiones definire possit, ita ut responsiones in promptu habeat; talis scientia in paucissimis est: alia verò scientia, quam vocat mediocrem, si quis sciat propositas quæstiones, & dubia examinare, ita ut licèt responsiones semper in promptu non habeat, tamen pervolutis libris inquirere, veritatem deprehendere, alijsque tradere possit, & hæc sufficit, quare libros habere oportet Doctorem, & Ecclesiæ Prælatum, atque curatum, & in ijs frequenter versari, alioquin doctrina non augetur, sed quæ antea parva est, temporis ac memoriæ lapsu paulatim perditur.

## CAPITVLVM VLTIMVM.

## Cum olim.

## PARAPHRASIS.

Gregorius IX, mandavit Priori S. Matie, ut G. Diacono in aliqua Ecclesia civitatis, aut Diocesis Lucanensis, autoritate Apostolica beneficium provideret; is accepto mandato G. in Ecclesia S. Petri Rectorem instituit, contra oppositos se excommunicationem proferens, cum tamen Rector ejus Ecclesiæ Collegiata per Clericorum electionem fieri solet; hoc cognito respondit Papa, cum mandatum de providendo beneficio, si quod vacet, vel proximè vacaverit, & intentio Pontificis mandantis, ad rectoriam, vel dignitatem se non extendat, sed tantum de simplici beneficio intelligatur, idè institutionem dicti G. & promulgatam excommunicationem, viribus carere.

1. *Nomine beneficij, quod alicui conferri mandat Papa sub clausula, quæcunque illud sit, non venit Ecclesia, aut dignitas, quæ per electionem conferri solet.*

2. *Ita ut irrita sit collatio, si ab executeore, aut delegato, contra commissionem factam confertur beneficium aliquod.*

Notandum primò. Si Papa mandet Clerico provideri beneficium, non comprehenditur Rectoria, aut dignitas, quæ electione interveniente, confertur, sed tantum simplex beneficium intelligitur; idèque dicendum, etsi mandetur, provideri de beneficio qualicunque, quod in Ecclesia vacat, his verbis, non comprehendit beneficia curata, aut personatus, aut dignitates, *c. cum in illis 10. hoc tit. in 6.* Ratio datur in *c. quomòs eodem in 6.* quòd literæ beneficiale, cum sint ambitiosa, restringi, seu strictè interpretari debent. Consentit *c. 1. & 2. de filijs presbyterorum in 6.*

Notandum secundò. Non tantum irritum est, quod à delegato, aut executeore fit, præter, aut ultra commissionem *L. diligenter §. ff. mandati.* Sed etiam acta accessoriè, seu propter illud, quod consilium erat, pro irritis haberi debet, ut si citaverit, reluctanter excommunicaverit &c. cum enim desit jurisdictio in principali causa, etiam in accessorijs desit debet. Porro quidnam commissum fuerit delegato, aut executeori, pendet ex intentione committentis; ea verò ex verbis maximè, secundum materiam subjectam, consideratis desumi debet; præcipuè verò attendendum ad ea verba, quibus dispositio sive mandatum ipsum exprimitur, ac describitur, & non ita ad ea verba, quibus potestas inhibendi, compescendi, vel similia adjuncta, seu accessoria comprehenduntur, & describuntur, juxta *Clement. 1. §. ad hoc. hoc tit.*

\* \*

CAP.